

ՀԱՐՍՏՈՒԹԵԱՆ ՃՇՄԱՐԻՏ ԻՍԱՑՈՒՄԸ (Մարգիս Շնորհալի)

Հարստութիւնդ, եթէ Աստուծմէ առ զիր, վատահ եղի՛ր եւ հաւատա՛, որ զաւակիդ կրկին առատութեամբ կու տայ եթէ ուզես: Պիտի ըսես, ինչպէ՞ս եթէ ուզեմ: Ինչ, որ Աստուծմէ պարգեւ առիր եւ ունիս՝ դարձեալ Աստուծոյ պարգեւէ, իսկ զաւակիդ բարեպաշտութեանդ օրինակը ձգէ եւ ոչ թէ հարստութիւնդ: Աղքատներու երամից ըրած գթութիւնդ անոր վերակացու ձգէ Աստուծոյ անսահման գթութիւնը եւ ոչ թէ փայլուն ոսկին: Սորվեցո՛ւր ողորմութեան բարիքը եւ ոչ թէ տմարդութեան չարիքը: Սորվեցո՛ւր զԱստուած պաշտել եւ ոչ թէ մամոնան: Սորվեցո՛ւր հետնաւոր բաներու ցանկալը եւ ոչ թէ երկրաւորներուն: Վարժեցո՛ւր պատուասեր ըլլալ երկնային պատիւին եւ ոչ թէ մեր սին կեանքի ծաղկաթափ փառքին: Սորվեցո՛ւր սիրել ոչ թէ առօրեայ կեանքը, անցաւորը, որ լի է դառնութեամբ, թշուարութեամբ, այլ՝ կայունը, մնայունը եւ բիրապատիկ հանգիստով լեցունը: Իսկ եթէ անիրատւութենէն զրկանքներէ հաւաքած հարստութիւնդ զաւակներուդ պիտի թողուս, գիտցի՛ր եւ հաւատայ, թէ ուր որ անիրատւութիւն եւ զրկանք կայ, հոն Աստուծոյ բարկութիւնը կը գտնուի:

Արդ, առաջին հերթին ինչո՞ւ Աստուծոյ բարկութեան պատճառները չես ոչնչացներ բաշխելով եւ տալով ինչքերդ, այլ՝ Անոր բարկութեան կցորդ ու բաժնեկից կը դարձնես զաւակդ: **ՅՈՐԳՈՐԱԿՆԵՐ**

ԺԱՄԵՐԳՈՒԹԻՒՆ



Ե.– **ԵՐԵԿՈՅԵԱՆ ԺԱՄԵՐԳՈՒԹԻՒՆ**, որ կը մատուցուի ի դէմս Որդւոյն Աստուծոյ:

Անունը ինքնին կը յիշեցնէ մեզի, թէ արդէն օրը երեկոյ է, ֆիզիքական բոլոր աշխատանքներուն աւարտն է, ուր հաւատացեալը գոհունակ սրտով իր երախտագիտութիւնը կը յայտնէ այն բոլոր բարիքներուն համար, որ Աստուած անցնող օրուան ընթացքին շնորհած է իրեն:

Երեկոյեան ժամերգութիւնը կը սկսի հետեւեալ մաղթանքով.– «Ես առ Աստուած կարգացի, եւ նա լուսւ ինձ յերեկոյս՝ ի վաղորդայն՝ եւ ի հասարակ աւուր»:

Երեկոյեան ժամերգութիւնը ցարդ ամէն երեկոյ կը կատարուի վանական կեանքէն ներս եւ Միջին Արեւելի ծիսական եկեղեցիներուն մէջ:

Գ.– **ԽԱՂԱՂԱԿԱՆ ԺԱՄԵՐԳՈՒԹԻՒՆ**, որ կը մատուցուի ի դէմս Հոգւոյն Սրբոյ...

ՀԱՍՅԷ.



ԿԻՐԱԿԻ ՕՐԵՐՈՒ ԱՍՏՈՒԱԾԱԸՆԶԱԿԱՆ ԸՆԹԵՐՑՈՒՄՆԵՐ
Երգ 4.9-15, 8.14: Ես. 7.10-16: Գղ. 3.29-4.7:
ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ ԸՍՏ ԴՈՒԿԱՍԻ 2.1-7

ՎԵՐԱՓՈԽՄԱՆ Ս. ԱՍՏՈՒԱԾԱԾՆԱՅ ՏՕՆ

ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ ԸՍՏ ԴՈՒԿԱՍԻ 2.1-7

Այդ օրերուն Օգոստոս կայսրը հրամանագիր հանեց, իր կայսրութեան սահմաններուն մէջ գտնուող բոլոր բնակիչներուն մարդահամարը կատարելու: Այս առաջին մարդահամարը տեղի ունեցաւ Սուրիոյ կառավարիչ Կիրենիոսի օրերուն: Ամէն մարդ իր ծննդավայրը կ'երթար իր անունը արձանագրել տալու համար: Յովսէփ Դաւիթի սերունդէն ըլլալուն համար, Գալիլիայի Նազարէթ քաղաքէն ելաւ եւ իր անունը արձանագրել տալու համար գնաց Հրեաստանի Բեթղեհէմ քաղաքը՝ Դաւիթ թագաւորի ծննդավայրը: Իրեն կ'ընկերանար իր նշանածը՝ Մարիամ, որ յղի էր:

Բեթղեհէմի մէջ, Մարիամի ծննդաբերութեան ժամանակը հասաւ եւ ծնաւ իր անդրանիկ զաւակը, որ փաթթեց խանձարուրով եւ դրաւ մսուրի մը մէջ, որովհետեւ պանդոկին մէջ իրենց համար տեղ չկար:

ԱՌԱԿԱՅ (Գ. 23, 19-25)

Որդեա՛կ իմ, լսէ՛ ու իմաստուն եղի՛ր եւ ֆու սիրտդ դէպի ուղիղ ճամբան շտկէ՛: Մի՛ ընկերանար գինեմոլներուն ու իրենց մարմինը մաշեցնողներուն, վասն զի գինեմոլն ու շոռայր աղֆատ կ'ըլլան եւ շատ ֆուներ՝ պատոտած հանդերձներ կը հագցնէ:

Հնազանդէ՛ մօրդ, որ ֆեզ ծներ է, ու մի՛ անարգեր ֆու հայրդ, երբ կը ծերանայ: Ճշմարտութիւնը ծախու ա՛ն ու զանիկա մի՛ ծախեր: Նմանապէս՝ իմաստութիւնը, իրատն ու հանճարը:

Արդարին հայրը շատ պիտի ցնծայ եւ իմաստուն զաւակ ծնանողը անոր համար պիտի ուրախանայ: Թող ֆու հայրդ ու մայրդ ֆու վրադ ուրախանան ու ֆեզ ծնանողը թող ցնծայ:

ՍՈՒՐԲԵՐ ԵՒ ՏՕՆԵՐ

ՎԵՐԱՓՈՒՈՒՄ ՍՈՒՐԲԵ ԱՍՏՈՒԱԾԱԾԻՆԻ



«Վերափոխում» բառը, գրաբար լեզուով նկատի առնուած, կը նշանակէ վեր, դէպի երկինք փոխադրելի: Իսկապէս ալ, վերափոխումը Սուրբ Աստուածածինի մահուան յիշարակումն է, որ կը կատարուի Օգոստոս 15-ին մերձակայ, այսինքն Օգոստոս 12 - 18 հանդիպող Կիրակին:

Վերափոխումը Նայասարանայց եկեղեցոյ հինգ քաղաւարներէն մէկն է: Այս քօնին առթիւ մեր եկեղեցին կը նշէ «Քրիստոսի գալուստն ի փոխումն մօրն եւ կուսի»: Այլ խօսքով, քօնը կ'անկարկէ այն պատահարին, ըստ որուն Քրիստոս ինք իջաւ իր մօր մահուան առթիւ եւ զինք փոխադրեց երկինք:

ԿԱՆՈՆ ՎԵՐԱՓՈՒՄԱՆ ՍՈՒՐԲԵ ԱՍՏՈՒԱԾԱԾԻՆԻՆ ՕՐՅ. ԴԶ (գրաբար)

Այսօր ժողովեալ սրբոցն ի միասին երանելի առաքեալքն եւ սուրբ կուսանքն ջահագգեստուք պայծառացեալք լուցանելին գրապտերս իւրեանց եւ միաձայնեալ ասելին, օրհնեալ եւ ամենօրհնեալք ի կանայս:

(Աշխարհաբար)

Այսօր միասին հաւաքուած սուրբերը՝ երանելի առաքեալներն ու սուրբ կոյսերը, լուսաւոր պգեատներով պայծառացած, իրենց լապտերները կը վառեն եւ միաձայն կ'ըսեն՝ օրհնեալ եւ դուն կիներուն մէջ ամէնօրհնեալ:

ՎԵՐԱՓՈՒՈՒՄ ԱՄԱՆԴՈՒԹԻՒՆ ՆԵՐԵՆ՝ ԽԱՂՈՂՈՐՅՆԵՔ



«Հնաւանդ, գեղեցիկ, այլեւ բարոյալից սովորութիւն էր հայ ժողովուրդի մէջ, որ երբ բերքը կը հասնի, երախայրիքը հասունցած առաջին եւ լաւագոյն բաժինը իբրեւ շնորհակալիք եւ առ ի երախտագիտութիւն Աստուծոյ կը տրուի: Եթէ նախաբիստունեական շրջանին այս բարոյալից սովորութիւնը կար եւ ան կը մատուցուէր աստուածներուն, ապա պահուեցաւ գաղափարը եւ շարունակուեցաւ այդ ընծայաբերումը մէկ տարբերութեամբ՝ այս անգամ եկեղեցիին եւ անոր միջոցաւ, ուր որ անհրաժեշտութիւն է:

Խաղողը բոլոր պտուղներուն մէջ նախապատիւ է, որովհետեւ անկէ կը պատրաստուի գինին, որ Ս. պատարագի, Ս. հաղորդութեան, Ս. պսակի խորհուրդներուն մէջ խորհրդանշական գործածութեան կը դրուի»:

ԲԱՐԵՆՕՍՈՒԹԵԱՆ ԽՆԴՐԱՆՔ Ս. ԿՈՅՍ ԱՍՏՈՒԱԾԱԾԻՆԻ

Կը խոնարհիկք քու առջեւդ, Սուրբ Աստուածածին, եւ կ'աղաչենք քեզի, ո՛վ անարատ Կոյս. բարեխօսէ՛ մեր անձերուն համար, եւ խնդրէ՛ քու Միածին Որդիդ, որ մեզ ազատէ փորձութիւններէն եւ մեր բոլոր նեղութիւններէն: Ամեն

ՀՈԳԵՒՈՐ ՊԱՏԳԱՍ

ԱՐԱՐԻՉ ԵՒ ԱՐԱՐԱԾՆԵՐ ՄԻԵՆՆՈՅՆ ՄԱՅՐԸ ՈՐՆՆՆ

Աստուածամօր վերափոխումը, որ տեղի ունեցաւ իր ննջման երրորդ օրը, անոր մարմնաւորապէս երկինք փոխադրուելուն տօնն է: Երկինք եւ երկնային մարմիններ մեծապէս ցնծացին, երբ տեսան իրենց Արարիչին մայրը մուտք կը գործէր երկինք: Յնծացին եւ ուրախացան, որովհետեւ մայր չունէին եւ մայր ունեցան. Գորովի եւ գթութեան մայր, սիրելի ու սիրող մայր:

ՄԵՐ ՍՈՐՎԵԼ ԻՔ ՀՈԳԵՒՈՐ ԴԱՍԸ

Երկինքը ունէր զԱստուած իբրեւ հայր, բայց չունէր մայր: Աստուած կամեցաւ, որ երկինք եւ երկնային մարմիններ ունենան մայր, եւ անոնք ունեցան սուրբ Կոյսը իբրեւ մայր: Մայր: Որքա՛ն գեղեցիկ բառ: Այնքան գեղեցիկ, որ Աստուած անգամ փափաքեցաւ զայն առնել իր շրթներուն վրայ: Աստուած տեսաւ, թէ որքան փափաքելի ու անոյշ է մայր ունենալը, մամա ըսելը եւ ուզեց, որ ինքն ալ մամա ունենայ: Եւ ընտրեց Մարիամը իբրեւ իր մայրը, զայն դարձնելով բոլորիս մայրը: Փա՛ռք Յիսուսին, յաւիտենականութեան մէջ մենք պիտի չմասնաւորուինք մօր:

ԵԹԷ ԿԱՍ ԵՐԲ Կ՛ՈՒԶԵՍ...

ԵՐԲ ՄԵՂՔԵՐՈՒՂ ԿԸ ԳԻՏԱԿՅԻՍ ԵՒ Կ՛ՈՒԶԵՍ ԽՈՍՏՈՎԱԾԻՒԼ, ԿԱՐԿԱ՛ՍՍ ԱՎՂԱՄՈՍ 32

Երանի՛ անոր, որուն յանցանքները թողութիւն գտան, որուն մեղքերը ներուեցան: Երանի՛ այն մարդուն, որուն մեղքը Տէրը նկատի չառնէր, որուն հոգիին մէջ նենգութիւն չկայ: Որքան աստե՛ն, որ մեղքերս չխոստովանեցայ, ոսկորներս մաշեցան օրն ի բուն աղաղակելէն: Գիշեր ցերեկ հարուածներ տեղացուցիր իմ վրաս, Տէ՛ր, եւ իմ ոյժս խամբեցաւ, ամբան տաքէն խորցած խոտի պէս: Մեղքս քեզի յայտնեցի, անօրէնութիւնս չծածկեցի: Ըսի՛ «Տիրոջ խոստովանիմ յանցանքներս», եւ դուն ներեցիր մեղքս, ու ջնջեցիր պատիժս: Աստուած Աստուածապաշտ ամէն մարդ աղօթքով պիտի դիմէ քեզի ամէն անգամ, որ անդրադառնայ, թէ մեղքի մէջ կը գտնուիմ, եւ վիշտերը նոյնիսկ եթէ հեղեղի պէս զինք ողողեն, բնաւ պիտի չկարենան մօտենալ իրեն: Դո՛ւն ես ապաստանարանս: Չիս նեղութենէ զերծ կը պահես, եւ ազատութեան երգերով կը շրջապատես:

Քեզի պիտի տրվեցնեմ,- կ'ըսէ Տէրը,- ցոյց պիտի տամ, թէ ինչ ճամբով պէտք է երթաս պիտի խրատենք քեզ, եւ աչքս քու վրայ պիտի ըլլայ:

ՄԻՇՏ ՍԱՂԱՄՈՍ ԿԱՐԿԱՆՔ